

中國邊疆史志集成

東北史志

第三部

11

全國圖書館文獻縮微複製中心

中國邊疆史志集成

東北史志

第三部
11

全國圖書館文獻
縮微復制中心

附度支部核議江省請撥邊務防餉摺

奏爲黑龍江請撥邊務防餉用款謹分別核議恭摺仰祈

聖鑒事光緒三十三年十一月十一日內閣抄出東三省總督徐世昌等奏江省邊務緊要亟宜趕速經營請撥東北邊防經費以資應用一摺奉

硃批該部知道欽此又片奏江省巡防餉需均由本省欸項撥放以致行政經費支絀請由部撥款接濟一片奉

硃批度支部議奏欽此欽遵到部原奏內稱江省邊務關繫大局今日防邊之策惟有從交通屯田二者爲著手之方應指請的欸以期經久查光緒十六年前將軍依克唐阿因籌練防軍奏定歲撥餉需六十八萬兩歷經部中就東北邊防經費劃撥自二十六年以後此欸未由部撥解現在邊務重要懇

恩飭部將原撥江省東北邊防經費一款照舊按年撥給又稱江省自臣德全到省後整頓荒務推廣稅捐入欸驟形暢旺然近年各處設官以及辦理新政各用欸業經悉索無餘近日市面銀根奇絀收項迥不如前行政費亦將無所籌措查江省所有巡

防餉需均由本省欸項撥發以致行政費支絀懇

恩飭部此後江省巡防兵餉由部按年撥解騰出本省大租捐稅各欸專作行政經費各等語_臣等伏查江省邊防緊要組織航業分設卡倫誠爲當務之急該督撫於經營邊務則請由部撥給東北邊防經費於行政費絀又請由部撥解巡防餉需查現在江省歲需防餉除由該省奏明由貨捐動用外由_臣部按年撥給銀十六萬兩卽係東北邊防經費之欸前項經費吉林黑龍江北洋各防營餉需均於其中取給光緒二十五年_臣部以原撥各省邊防經費不敷支放奏請每年添撥銀五十萬兩二十七年又將此項加撥銀兩奏准全數改抵新案賠欸於是東北邊防經費供支吉林黑龍江北洋各防營餉需常虞不給今江省以經費邊務奏請由部按年撥欸又請按年撥解巡防兵餉爲數甚鉅果使欸項有餘自必勉爲籌撥無如近年財政內外同一艱窘不惟部庫出欸增多已形竭蹶卽各省亦羅掘幾窮實屬無可攤派惟東北防務緊要不能不竭力騰挪除前據該督撫等奏銀根奇絀業由_臣部提前放給防餉銀十萬兩以資接濟外擬再自明年起按年由部加撥銀十萬兩俾可騰出欸

項次第興辦新政以重邊計而期經久所有江省邊務防餉用欸分別核議緣由理
合恭摺具陳伏乞

皇太后


皇上聖鑒謹

奏

蘇州學堂
PDG

紀協餉

咸同以前黑龍江官兵俸餉悉由戶部關領內省軍興部庫支絀戶部奏明東三省額餉由部於歲前十月奏撥各省協濟解至盛京戶部分起關領自此各省協款遂歲以蒂欠爲常矣計自咸豐甲寅至同治乙巳各省欠解百三十六萬餘兩自同治庚子至光緒己亥各省欠解二百八十六萬七千五百餘兩又光緒庚子迄於戊申各省欠解銀百二萬兩有奇夫協餉原爲江省命脈自各省蒂欠頻仍全省官兵殊形苦累若不亟圖振勵必至貧寡之餘流爲羸弱何以作士氣而固邊疆况復改練巡防軍隊創辦陸軍學堂中學加班變通文報月有額支均恃夫此稍一延緩債事堪虞而撥款者如故欠款者如故殊不知待用者之輾轉爲難也大租增款猶待數年環視八旗官兵不能不有望於協濟各省者



附度支部議覆籌撥奉江兩省協餉摺

奏爲遵

旨議奏恭摺仰祈

聖鑒事內閣鈔出東三省總督徐世昌等奏請撥奉天黑龍江已酉年的餉並請催各省
歷年欠餉一摺光緒三十四年十二月十一日奉

旨該部議奏單併發欽此欽遵鈔出到部原奏內稱東三省舊章每年請撥餉銀歷經前
戶部奏撥各省多未按照部撥銀數籌解足額計自光緒元年起至三十三年止共
積欠銀四百零三萬五千一百七十餘兩上年部撥奉天黑龍江戊申年餉銀三十
八萬九千兩僅據山東兩淮等處先後解到銀十四萬兩又據臨清關報解銀二萬
兩尙短銀二十二萬九千兩迄今未准報解東三省迭遭兵燹物貴時艱困苦情形
尤以八旗官兵爲最應領俸餉本省例定抵放額欸僅有地丁餘租葭票雜稅等數
項向本入不敷出加以亂後元氣未復偏災相承租稅收數不旺近又奏改官制舉
行新政支用浩繁財力更屬拮据全賴各省協餉源源接濟且應供

陵寢祭品歲有定額尤爲刻不容緩乃各省應撥餉需積年拖欠甚至本年指撥之餉亦竟解未及半以致奉省春秋兩季八旗俸餉每年僅放九個月其餘應支之款亦均無法應付懇

恩俯念東三省根本重地俸餉爲計授所需嚴催各省關將所欠歷年協餉迅速籌解以應急需至已酉年應請俸餉除吉林咨明以通省歲入各款足抵該省並打牲烏拉俸餉勿庸請撥外請

飭部照章撥給奉省已酉年的餉二十六萬兩黑龍江的餉除應徵作抵外請撥三十一萬八千兩仍分晰奉天黑龍江款目以免牽混等語臣等伏查東三省兵俸餉等銀每年除本省應徵各款抵放外不敷之款由臣部於各省地丁鹽關項下指撥歷辦在案今據東三省總督徐世昌等奏請撥給奉天已酉年的餉銀二十六萬兩黑龍江省的餉銀三十一萬八千兩等因臣部查奉天餉項每年均撥給銀二十六萬兩黑龍江請撥之數向係除應徵作抵外報部請撥上三年請撥款目十二萬至十六萬餘兩不等此次請撥三十一萬餘兩比照前屆之請撥銀十二萬九千兩驟增一

倍有餘當經電詢該省去後旋據電稱從前俸餉每兩向以大租錢二吊五百抵算現在改練巡防及陸軍小學堂變通驛站等項發放實銀每兩係照市行五吊陸軍學堂及中學堂並有加班補領在內又值閏月之年等語查該省徵收租錢折合向有例價此次冊報除錢款列抵外約賸錢七十三萬二千三百餘吊實應折合銀二十九萬二千九百餘兩冊內僅折合銀十四萬六千四百餘兩即使錢價漲落無常亦萬不至懸殊若此至該省陸軍各學堂經費向在裁撤官兵俸餉項下動用加班經費亦應在該款內撙節動支未便繼長增高漫無限制近年財政困難似此例撥之款循舊辦理僅可免爲騰挪若任意增加各省亦實無可指撥臣等公同商酌奉天省額撥已酉年俸餉銀二十六萬兩應照歷年數目撥給黑龍江省已酉年俸餉應照光緒三十二年有閏年分估撥之數撥給銀十六萬七千兩謹繕清單恭呈

御覽相應請

旨飭下各督撫嚴飭藩運各司暨各關監督無論如何爲難均按照臣部指撥數目分批經解奉天省交納如有延欠卽由該省遵案指名嚴叅照貽誤京餉例議處其各省

解到奉天黑龍江已酉年俸餉之時卽由東三省總督奉天巡撫分別照數核收並轉咨黑龍江巡撫按照撥解該省銀數派員領回俾資應用至東三省支給俸餉向有折減章程應令該督撫照章支放奏報核銷如有餘賸卽如下年請撥俸餉時聲明列抵毋得遺漏至各省歷年積欠東三省俸餉銀四百零三萬五千一百七十餘兩並請

飭下直隸兩江閩浙各總督山東河南江蘇安徽各巡撫轉飭該司道等各按單開歷年欠解數目迅速設法補解以清積欠而濟要需所有遵議緣由謹恭摺具陳伏乞

皇上聖鑒謹

奏

謹將擬撥奉天黑龍江已酉年俸餉銀數繕具清單恭呈

御覽

計開

奉天省應需已酉年俸餉銀二十六萬兩擬撥

山東已酉年應徵地丁銀十一萬兩

兩淮已酉年應徵鹽釐銀八萬兩

兩淮已酉年應徵鹽課銀三萬兩

江蘇釐金銀二萬兩

臨清關常稅銀二萬兩

黑龍江應需已酉年俸餉照丙午年有閏撥給銀十六萬七千兩擬撥

山東已酉年應徵地丁銀六萬兩

福建已酉年應徵地丁銀一萬兩

安徽已酉年應徵地丁銀二萬兩

江蘇已酉年應徵地丁銀二萬兩

河南已酉年應徵地丁銀一萬兩

直隸旗租銀四萬七千兩

謹將各省關自光緒元年起至三十四年止欠解東三省俸餉銀數繕具清單恭呈

御覽

計開

奉天省俸餉項下

山東地丁共欠解銀一百五十七萬二千三百餘兩

臨清關常稅已報解未解到銀二萬兩

江蘇釐金共欠解銀二十六萬五千兩

兩淮鹽釐鹽課共欠解銀二十三萬兩

吉林省俸餉項下

山東地丁共欠解銀四十一萬四千一百餘兩

臨清關常稅共欠解銀十萬兩

江蘇釐金共欠解銀十萬七千兩

河南地丁共欠解銀五萬兩

黑龍江省俸餉項下

山東地丁共欠解銀六十五萬六千六百餘兩
臨清關常稅共欠解銀五千兩

江蘇地丁釐金共欠解銀十七萬八千兩

安徽地丁共欠解銀十萬九千兩

直隸旗租共欠解銀十五萬七千一百餘兩

福建地丁共欠解銀十四萬兩

河南地丁共欠解銀八萬兩

打牲烏拉俸餉項下


山東地丁共欠解銀五萬二千五百餘兩

江蘇釐金共欠解銀十四萬一千兩

長蘆鹽課共欠解銀六千四百餘兩

以上共欠解銀四百二十八萬四千餘兩

三
十
三



紀大租小租

黑龍江之有租賦始自咸豐十年呼蘭一帶閒荒弛禁聽民墾種每晌納京錢一吊予以憑照謂之押荒升科之期以地則爲準或三年五年不等每晌歲納京錢六百元是爲大租奏定以二千五百文作銀一兩未屆升科之年每晌歲納京錢六十文謂之小租以供善後公用嗣此續放各荒每晌收押租至二千五百文未升科以前不徵小租升科之年與大租一併輸納大租併入協餉項下支抵官兵俸餉小租以七成解省三成留充各該地方公用至光緒三十二年全省應征租地已在一百四十萬晌以上至三十四年則增至一百五十萬晌以上若預計後此四五年已放之地均屆升科之期全年租賦當不下二百餘萬江省度支必不至拮据如今日也惟歷年開征之期均在十月光緒三十四年全年租賦各屬尙未報齊無從得其確數僅據三十三年征收之數列表左方以資攷覈云